

太上無極總真文昌大洞仙經卷之五

荒四

太上无極總真文昌大洞仙經卷之五 荒四

甘山摩維洞主太玄無上上德真君校正

道言爾時

元始天王以大洞高上混沌太無元天寶玉
皇之炁結一寶珠命之曰蒼胡頡曰吾以此
寶珠從道妙一善貸生根孕玄分元誕始傳
真化生諸天凝成萬炁大哉至寶惟我獨存
今為

玉宸道君重出斯寶諸天帝王天真大聖瞻
望寶光其光分敷百千萬億結成大洞仙經

玉文凝而成雲絢而成章諸天帝王天真大
聖以清明識以始通觀以華舌通齊聲宣詠
大洞雲章響徹萬天流響九地天界地界水
界神鄉一切神靈不離本坐俱覩雲章絢目
仙梵歷耳皆悉百生障滅萬劫塵消三塗九
幽十方惡趣咸承光音所及十纏九結六染
七塵於是頃間一時解脫是時太玄道父前
詣蕭臺再拜稽首求受寶珠所結大洞仙經
玉文雲章庶以導化人天衆生俱免萬災咸
消衆罪不沉惡趣俱等一乘弘是願言殷勤

啓請

元始天王命元神大聖玉宸道君具俯仰威儀手付太玄道父蒼胡頡寶

元始天王告曰此蒼胡頡寶與檀熾鈞音若非太玄何得求請唯子慈深願重可畀寶章

元始天王曰

天皇上真炁

三元乘晨回

法垣興朱霄

帝晶啓玉扉

拔尸命門內

解結桃康階

歛神保五籍

越轉入太微

單入而雙修

一曲水天開

海日自東生

元命生太初

元始天王曰

太一生元炁

披霞昇帝壙

白炁育上生

右抱合和嬰

八景照泥丸

混離生玉容

七祖斷玄滯

和樂反嬰童

元始天王曰

日中司命童

列坐震靈席

青君安延昌

我生日月華

朗然洞房中

五道秀金華

身得乘神風

太始三炁周

煥然神光明

混合五日房

左攜精上門

友賓赤炁王

嬰兒為赤子

位為上清公

徘徊玉清上

真文肇生明

荒四

二

中大黃皇童
式育聖童

元虛黃房內

中有黃寧童

左有堅玉君

右有帝昌皇

浮清翳神炁

蔚蔚虛靈容

青肝明輪子

開朗徹八牕

太一壽丘蘭

奉符入玉宮

拔我七世罪

回元期十通

混合帝一室

五老變孩蒙

太素梵行初

一善四金通

元始天王曰

太極主四真

凌羽逸上清

七轉召司命

太一揚威明

司錄促詣位

三舉登震靈

魔王來受事

仙官束鬼精

月中青帝母

號曰芬艷嬰

太張上五符

安來上玉名

混化六合內

洞房列火兵

太極五靈沖

橫文帝子賓

元始天王曰

斗中四真人

散花玉清臺

帝卿中玄生

荒四

三

一徧衆真來

香風扇三寶

五藏映清夷

蒼胡頡光華

檀熾鈞吉祥

太中六炁清

曲水襄天河

六度功圓成

五魔伐六陰

中結元始王

高觀六合庭

元始天王曰

三交卷書致

或臺象師錄

晨中黃景炁

三秀登霄庭

滄臺飛羽輪

延迎道已成

司命奉帝書

號為玄度卿

保生太霞宮

列賓館上清

命門合精延

守我身黃寧

左携元素君

右攝朱鬱靈

太和度七覺

點火生真文

紫華領胎仙

元命真中神

元始天王曰

金闕上景炁

十方暉紫烟

三命太一帝

五召太平神

七轉招嶽真

玉符告三官

拔籍三靈下

受生高上晨

太帝八靈王

一化回慶玄

桃君守六合

勒精衛泥丸

太清八景觀

十德真文宣

保子神中神

元命生自然

元始天王曰

太虛空無景

霞中有彭室

九雲合重扉

帝君靜幽密

八真合景君

上攜女太一

雌雄混玉房

九變還得七

分形散六合

泥丸易分別

太真九光輪

十仝ノ文結

保子元炁通

五炁理中韻

混一歸帝闕

永壽無終劫

變化飛上清

三千行超越

元始天王曰

太玄九炁上

五道煥三天

中一日運珠

累變億萬年

七祖散積滯

齊仙成仙王

元始天王曰

上清絕霞外

攜此景中人

變外氣王散

三十餘

烟回大暉間

駕景登絕霄

理心入清閑

伐絕胞樹生

荒四

返華黑幽玄

太玄啓十明

八皇運九天

晨登太老寢

夕宴金華軒

神光秀空峯

乘風蕩滯神

混合三五宮

永斷血尸根

四

萬炁生萬神

妙行登十真

幽寥生帝宇

夕宴金華軒

夕宴金華軒

羽節命太一

錦旗招萬神

堅我六府胎

伐滅胞樹根

解結生七祖

散禍寧九玄

赤帝丹靈峙

扶兆入玉門

月母靈素蘭

守閉死炁關

死炁自今絕

生津從茲延

萬神萬炁仙

超脫位真王

十真妙行全

太玄會明陽

無上大洞尊

一炁同龍光

元始天王曰

東華發始暉

高晨映上清

煥洞圓珠藹

朗朗紫曜明

七神回帝席

五老飛玉輶

太一景中立

司命攝萬精

汎然雲波間

寂眇泥丸城

七轉召三官

北君稽首靈

五嶽應炁到

拔死書長生

三舉震靈符

玄解大魔精

七祖解血結

玄華保黃寧

元始天王曰

太帝九老京

校仙登扶桑

七轉召天帝

荒四

五

司命乘神綱

五嶽啓靈戶

傳聲大魔王

河海皆受事

立爾應會方

保符泥丸內

守神曰挑康

回明易死籍

記仙叔火王

拔絕三途疾

去禍生上英

七玄登朱室

兆身會玉堂

上友方盈子

下攜理維藏

左攝明車君

右輔歸盛昌

混一玉京炁

化兆吉以昌

反嬰元命童

擅熾吉祥鈞

天一元根仙

自在光明輪

清心淨火生

元始天王曰

之爾歎會友

神符弘火內

玉清萬華宮

高仙藏帝經

主圖九天表

洞觀無中生

七轉召萬神

五嶽一來庭

三官招衆魔

司錄校所呈

拔籍重泉曲

記仙書上清

合育神帝風

精誠萬壽靈

元始天王曰

焚香齋黃白

正衣冠執經

玄洲絕三津

羽景太無庭

回霄飛垂漠

委化混萬精

五雲蔚絕空

七霞落圓明

朗朗幽寥子

梵昌濟黃寧

五老揮絳華

散香携玉靈

金質濯帝川

綠烟靄流瓊

神拔三塗積

仙胎結兆形

上清玉皇師

玉宸大道君

與心絳宮神

飛澄太玄尊

元始天王曰

三真生太元

玉戶映晨華

太素洞元虛

丹林森朱柯

回神九重府

南昌發瓊華

百關納津液

停玄三秀阿

兆身騰玉清

七祖離幽扁

長保不終劫

萬世成仙家

位為聖統尊

玉清大洞神

元始天王曰

西元九靈炁

金丹流雲宮

上極璇曜抄

暉景太霞中

動迴九天輪

靜沉八流網

室有胎仙母

携衿太帝皇

玄一靈時生

荒四

六

三老素牢張

左把兆符籍

右携理神宗

同登琳龍闕

稽首玉清房

拔棄死滅根

養形三五中

七祖解尸結

受福明珠方

上證聖中尊

符化元炁王

玉宸道君言我師

元始天王授我此大洞仙經其旨玄奧修真
妙門初定通息太和一千中觀變真離相消
塵元合五千坐在立亡大定全真妙行通靈
初曰通炁次曰通神終曰通靈十通成真道
備登宸超脫飛昇過度三界往來三清證品
太洞天一帝尊六度十通萬行圓成千和萬
合自然至尊

太上無極總真文昌大洞仙經卷之五

